



Na osnovu člana 64. stav (1) tačka (b) i člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14) i člana 4. Odluke o stvaranju obaveza u Ustavnom sudu Bosne i Hercegovine, broj P-1132/17 od 20. decembra 2017. godine, predsjednik Ustavnog suda Bosne i Hercegovine, donosi

ODLUKU
o izboru najpovoljnijeg ponuđača

Član 1.

Okvirni sporazum za nabavku poštanskih usluga za potrebe Ustavnog suda Bosne i Hercegovine, zaključuje se sa ponuđačem „JP BH POŠTA“ d.o.o. Sarajevo, ponuda broj 01-13.73-6808-10/18, za ponudenu cijenu za set usluga u iznosu od 1.105,20 KM bez uračunatog PDV-a, u skladu sa preporukom Komisije za izbor najpovoljnije ponude.

Član 2.

Okvirni sporazum dostavit će se na potpis izabranom ponuđaču po proteku roka od 15 dana od dana objave dobrovoljnog ex ante obavještenja u skladu sa članom 28. stav (7) Zakona o javnim nabavkama.

Član 3.

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak predmetne nabavke pokrenut je Odlukom o pokretanju postupka broj SU-08-471/18 od 19. aprila 2018. godine. Javna nabavka je provedena putem pregovaračkog postupka bez objave obavještenja. Komisija za javnu nabavku je blagovremeno i pravilno izvršila ocjenu kvalificiranosti kandidata te otvaranje i ocjenu konačnih prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- Da je ukupan broj pristiglih ponuda jedan (1);
- Da je blagovremeno zaprimljena jedna (1) ponuda;
- Da je broj prihvatljivih ponuda jedan (1);
- Da je broj neprihvatljivih ponuda nula (0);

Komisija za nabavku je nakon izvršenog pregleda konačne ponude, predložila izbor „JP BH POŠTA“ d.o.o. Sarajevo, ponuda 01-13.73-6808-10/18, za ponudenu cijenu za set usluga u iznosu od 1.105,20 KM bez uračunatog PDV-a.

Ova odluka objavit će se na web stranici Suda www.ustavnisud.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 dana od dana prijema, na način definisan Zakonom o javnim nabavkama.

Broj SU-08-471-17/18
16. maj 2018. godine
Sarajevo



Predsjednik
Ustavnog suda Bosne i Hercegovine
Mirsad Ceman

Dostaviti:

1. Ponuđačima: 1.-
2. Odjelu za finansijske poslove
3. Arhivi